

海陽縣志卷三十三

列傳二

傅 鎰

張善繼

李成功何亮于國連白虎

金一鳳

顏 敏

張士連

金 紳

韓 義

劉毓琇

謝邦基

甘在中

文 晟

吳 均

汪 政

施紹文

余恩鏢

張念祖

已上 國朝

海陽縣志

卷三十三

列傳二

一

宦蹟下

國朝

傅鎰號正齋孝感人康熙戊戌進士七年知縣事服官六載政平

刑簡里排稱便甲寅劉進忠叛召授府判不受怫逆鎮意罄厥家

浩然之氣百折不回避難流寓邑紳林世榕鄉耆民盧京憫其窮

置簿義捐資以度日後卒於潮邑人惜之

據張志修

張善繼南直隸彭城衛人由武探花授城守營遊擊康熙十三年

甲寅劉進忠叛善繼時赴省請餉進忠陰遣腹弁楊希震詣逆藩

耿精忠納款楊與進忠謀曰善繼得軍心恐不可制乃散其卒分

隸諸將部下迨善繼歸壁壘空矣既入謁進忠以言餽之善繼抗

聲曰叛國而克令終自古未有明公若不悟及繫頸求活晚矣進忠羈之馬王廟善繼縱飲讀書若不知刀俎之在前也進忠屢諭降不屈乃斬之同時有遼東人李成功官潮鎮中軍遊擊與善繼同謀誅進忠進忠覺被執罵曰賊奴死期至矣我豈從汝者耶進忠怒斬之臨刑猶罵不絕口又有防禦于國連澄協千總何亮澄協都司白虎亦不從逆爲進忠所殺金璘昌金一鳳俱爲詩以弔之

詩曰長江四面鎖龍從漠漠寒雲向大東一自羽書聞野戰幾年巷哭識孤忠波搖落日山仍碧人去殘城血尚紅惆悵不堪臨絕磴可無杯酒酌西風鎮日風霾罩郡城獨留葵赤向陽傾銜鬚尚滴忠臣血碎首猶聞罵賊聲正氣沖霄山岳動英魂入地鬼神驚韓山草木都含

據周志修

淚萬古應傳五烈名

謹案白虎何亮皆澄海官而與張李于三人同時殉難邑學

## 海陽縣志

### 卷三十三

列傳二

一一

名宦祠並祀之例得附書

金一鳳字子翔號紫庭山陰人祖謚明宏治中爲邑宰有惠政康熙二十五年一鳳復知縣事建名宦鄉賢祠東隅社學重修縣署北門隄百廢具舉邑治附郭事統諸郡故無志書當時議者謂郡統諸邑則志從兼兼則必略邑自爲志則志從獨獨則能詳自成一書於義爲允然時積事湮創舉不易一鳳遍摻遺文廣詢故老成書爲紀類三十邑之有志自此始

據張志陳衍  
虞文集參修

謹案金志經張士連重修核其體例於金志原書頗有增改然阮通志所采仍稱金志疑張志雖成當曰仍行金志也今則張志僅存而金志不可見矣

顏敏字不敏號鐵庵鹽城人康熙己丑進士五十九年知縣事政尚寬恕引獎士類人稱之曰顏君子

據張志修

張士連安邑人雍正三年以進士知縣事端方謇直練達廉靜屬輯纂通志士連奉檄乃修海陽縣志殫心探討四閱月而成縣有豐政都其地僻遠處萬山中向有抗公拒捕等習又有仲坑諸山出產銀鉛久爲盜藪士連嚴查保甲慎選約正俾互相稽察積弊以釐一方以靖又念其寫遠凡輸糧應試以及對牘跋涉艱難遂諭里民僉呈建縣後格不行乾隆三年總督鄂彌達巡閱至潮時士連已陞任廣州復申前議力贊成之豐順設縣實士連之力也

據邑志序參  
豐順縣志修

## 海陽縣志

### 卷三十三

列傳一

三

金紳字爾佩浙江山陰人乾隆二十一年由舉人出宰山陽以能調任海陽篆勤敏愛民邑治多水患江東秋溪東廂三都向以沙隄屢潰田廬淹沒紳下車周覽徬徨捐貲倡築灰隄修磯圍遂臻完固乾隆二十六年郡守周碩勳議濬三利溪資紳董督越明年復修南門涵紳於濬溪時因涵洞爲大水潰裂捐若干緡俾復舊址至重修南門涵復悉心經畫自縻俸金不責閭閻捐助士民德之爲立碑以紀其實祀名宦

據周志濬溪修涵築石磯各碑記參修

韓義字對湖浙江會稽人舉人乾隆五十九年知海陽縣築隄賑饑修學宮建書院諸大政次第倡舉始終不倦疾小人逢迎意旨多示以不測狀人咸目爲怪然最愛士縣考所拔多知名士士納

卷雖深夜不禁曰恐未盡所長其近情又如此尋擢潮州知府

據韓

江聞見錄修

劉毓琇字吟山古濮人己未庚申閒署海陽縣清貧自樂初涖任書役輩例奉金數千列單進毓琇火之曰此中物不自天降不自地出非所謂民脂民膏者耶汝曹慎辦公余無須此自是不名一錢逮去官至不能舉火邑人士時饋薪米焉後調補山東兗州通判

同上

謹案劉毓琇於己未庚申閒署縣篆聞見錄未詳何代然錄著於嘉慶二十年以前篇中有近宦粵有劉毓琇等語則己未庚申爲嘉慶四年之己未五年之庚申無疑矣

## 海陽縣志

### 卷三十三

列傳一

#### 四

謝邦基號洛初浙江人由進士籤分廣東知縣有吏才喜培土類嘉慶二十四年任縣篆強幹精明案牘雖煩獨殷殷於文教邑距省千餘里距京八千里士子赴鄉會試苦乏資邦基與紳士邱步瓊陳觀等多方籌畫創扶輪堂廣勸紳富捐輸置產作每科鄉會試川資而自捐俸金數百爲倡自是王國觀光士皆得壯行色邑之有扶輪堂自邦基始

據扶輪堂事宜冊修

甘在中長樂舉人道光十四年選海陽教諭敦篤愛人待諸生如子弟前凡謁師教官多責豐贄在中曰束脩謁師禮也然諸生貧富不均以贄來謁何計較爲諸生偶有事故在中又曲爲排解士以此嘖嘖稱之

據採訪冊修

文晟字叔來江西萍鄉人由大挑知縣分發廣東歷任東安連平清遠番禺海陽等州縣及嘉應州潮州府所至以振興學校表揚節義爲務並疏水利以濟農田築隄防以捍潦漲擒捕盜賊息訟安民卓著循聲咸豐九年委署嘉應州事值髮逆自閩竄擾大埔晟聞警親率練兵防守三河偵知賊由閒道襲州城復馳回勉紳民嬰城固守躬自督戰殺賊數百賊攻益急援絕餉匱晟以死自誓城破麾勇巷戰手刃十餘賊力竭遇害奉

旨照道員陣亡例優卹准州城建立專祠

據番禺志修

吳均字治平號雲帆浙江錢塘舉人道光二十四年由嘉應州知州調署海陽篆生平嫉惡最嚴地方匪類必擒治乃已奸宄懾服

## 海陽縣志

### 卷三十二

列傳一

五

民愛之如父母時劇盜黃悟空結雙刀會聚黨數千蔓延三縣均廉得其情首發奸狀請於監司捕治巡道李煒煜委任之卒擒悟空捕黨數百人各縣藉以安謐二十六年陞署運同嗣兼潮州守適城東廣濟橋崩潰十餘墩均捐廉五千金修復三墩紳商次第捐修因建坊橋上以誌德又捐廉濬三利溪築北隄水道疏通磯圍鞏固人蒙其利林文忠則徐督師過潮調均幫辦髮匪會文忠至普甯蕘不果行咸豐四年潮屬土匪作亂海澄潮各處先後並起均馳往潮督勦時賊兵圍城急均晝夜立城頭指揮兵勇誓以身殉及圍解而海陽賊匪吳忠恕等又圍困郡城均欲回救潮陽士民攀輿哭留乃遣潮陽令汪政率兵赴援仍留潮勦辦八月潮

陽平澄海外砂賊又攻澄海城均移兵親往救援攻外砂破之當  
外砂未破時靈雨連旬兵不克進輒跪雨中求晴體中寒溼又以  
在軍積勞成疾十一月旋郡遂卒士民涕泣相弔均自奉儉約由  
縣令至郡守一如寒素性廉介不妄取民間一錢卒之日一子一  
妾賴僚友攸助始能歸籍先是惠屬歸善博羅等縣土匪充斥江  
路不通鐵江尤爲盜藪葉制軍名琛知均才檄均往剿捕駐惠三  
月共獲劇盜千餘名置之法東路河道爲之肅清時蒙

上諭有潮州吳均素著恩威前在惠城已有成效等語至是贈太  
僕寺卿蔭一子及歲以知縣用崇祀名宦光緒二十四年奉

旨准於潮州府建立專祠並將歷任事跡宣付史館列入循吏傳

## 海陽縣志

### 卷三十三

列傳一

### 六

據采訪  
冊脩

汪政號敬齋順天人由監生筮仕得廣東知縣咸豐四年署潮陽  
縣篆會土寇陳娘康作亂知府吳均駐潮陽督剿政受均方略堵  
剿有法賊稍怯而海陽賊吳忠恕等又起彩塘均聞潮城危急卽  
日調政率兵勇馳援至見廣濟橋浮梁撤去驚曰如此則橋東爲  
賊有潮城不能守矣立命紮回浮梁撥兵駐橋東戰守之計乃定  
旣賊四面環攻政與縣丞陳坤等日夜督兵出戰屢捷吳均以政  
到郡卓著威聲檄署邑篆政決策運籌身先士卒不兩月而賊平  
先是郡南潘劉隄連年潰決耕農失業忠恕因之作亂政於賊平  
後亟籌修築而自詣隄督工隄卒合口士民念治潮功以東門樓

爲祠塑像祀吳均遂並於祠左立神牌祀之

同上

施紹文號介山廣西甲辰進士同治四年署邑篆時邑多盜歷任不能治雲步以下至白日截劫紹文初涖任訪地方利害稔其事憤然曰雲步距城咫尺地若輩敢爾安用地方官爲乃偵盜所在率差勇往捕擒盜二人就地戮之四境帖然紹文性情和藹每聽訟從容訊鞠民不敢隱胥吏亦不得爲奸政暇課士書院凡月課萃多士扃門親試評騭優劣口講指畫循循然若師之勸弟在任年餘政簡刑清士民至今思之

同上

余恩鑠號鏡波浙江舉人選授廣東知縣性伉直嚴明果斷到處有政聲同治六年任縣篆民凡有告發令到堂立判其狀其須質

## 海陽縣志

### 卷三十二

列傳一

七

對者亦卽時傳集訊結民無冤抑案無滯留然日判訟獄凡幾案猶時讀書聲琅琅達署外嘗曰海陽缺人怕煩劇吾獨嫌其簡恩鑠有幹事才而不媚上官時有兵丁秦千恃其母爲現任某觀察乳媪橫行街巷強占鄰婦莫敢問恩鑠風聞其事拘繫之秦千母求某觀察提訊開釋恩鑠默遣差伺其出道署轅門外捉歸獄而絕其飯食斃獄中一時人心爲之大快恩鑠自譔楹聯有國法甚嚴非苞苴能免縣官雖小無寵嬖可求之句其倔强之態至老不衰故在粵二十餘年能聲雖卓著而僅以知州終

同上

張念祖號竹筠安徽桐城人由拔貢籤分廣東知縣光緒八年署縣篆飭已謹廉勤於民事每聽訟常至三鼓反覆辯駁務得其實

痛抑胥役營兵勢豪而愛惜百姓曰此輩與平民爭已勝一著若復助之不知屈人幾何矣時郡城夜多盜累任患之莫能禁念祖每夜漏下三四鼓猶自出巡緝遇有形跡可疑者輒盤詰復飭差尾其後一時盜賊爲之斂迹以少睡多勞得目疾在任一年凡前官之苛征於民而成爲故例者念祖概屏不取卸任後囊無餘資不能進省士民感其德爭飲助之

同上